

AWDURDOD TÂN AC ACHUB GOGLEDD CYMRU

Cofnodion **Cyfarfod Blynyddol** Awdurdod Tân ac Achub Gogledd Cymru a gynhaliwyd ddydd Llun 17 Gorffennaf 2023 trwy Zoom. Dechreuodd y cyfarfod am 9.30am.

PRESENNOL

Cynghorydd

Dylan Rees (Cadeirydd)
Paul Cunningham (Dirprwy Gadeirydd)
Bryan Apsley
Marion Bateman
Carol Beard
Tina Claydon
Adele Davies-Cooke
Jeff Evans
Alan Hughes
Chris Hughes
John Brynmor Hughes
John Ifan Jones
Marc Jones
Gwynfor Owen
Arwyn Herald Roberts
Austin Roberts
Gareth A Roberts
Rondo Roberts

Gareth Sandilands
Nigel Smith
Rob Triggs
Michelle Walker
Mark Young

Yn cynrychioli

Cyngor Sir Ynys Môn
Cyngor Sir y Fflint (cyrhaeddodd 9:35)

Cyngor Bwrdeistref Sirol Wrecsam
Cyngor Sir y Fflint
Cyngor Bwrdeistref Sirol Conwy
Cyngor Sir y Fflint
Cyngor Sir y Fflint
Cyngor Sir Ynys Môn
Cyngor Sir Ddinbych
Cyngor Bwrdeistref Sirol Conwy
Cyngor Gwynedd
Cyngor Sir Ynys Môn
Cyngor Bwrdeistref Sirol Wrecsam
Cyngor Gwynedd
Cyngor Gwynedd
Cyngor Bwrdeistref Sirol Conwy
Cyngor Gwynedd
Cyngor Bwrdeistref Sirol Wrecsam (gadawodd am 11:10)
Cyngor Sir Ddinbych
Cyngor Bwrdeistref Sirol Conwy
Cyngor Gwynedd
Cyngor Sir Ddinbych
Cyngor Sir Ddinbych

Hefyd yn bresennol:

Dawn Docx
Stewart Forshaw
Helen MacArthur
Stuart Millington
Anthony Jones
Dafydd Edwards
Gareth Owens
Lisa Allington
Helen Howard
Tracey Williams
Dafydd Evans

Prif Swyddog Tân (PST)
Y Dirprwy Brif Swyddog Tân (DBST)
Prif Swyddog Tân Cynorthwyol (PSTC)
Prif Swyddog Tân Cynorthwyol (PSTC)
Rheolwr Ardal
Trysorydd
Clerc a Swyddog Monitro
Cynorthwy-ydd Gweithredol
Pennaeth Cyllid a Chaffael
Pennaeth Cyfathrebu Corfforaethol
BBC

1 YMDDIHEURIADAU

Cynghorydd

Beverley Parry-Jones

Yn cynrychioli

Cyngor Bwrdeistref Sirol Wrecsam

ABSENNOL

Cynghorydd

Chrissy Gee

Paul Rogers

Dale Selvester

Yn cynrychioli

Cyngor Sir y Fflint

Cyngor Bwrdeistref Sirol Wrecsam

Cyngor Sir y Fflint

Cynigiwyd a derbyniwyd yr ymddiheuriadau uchod. Nodwyd bod Cyng. Chrissy Gee, Cyng. Paul Rogers a'r Cyng. Dale Selvester i gyd yn absennol heb ymddiheuriad.

2 PENODI CADEIRYDD 2023/24

- 2.1 Gofynnodd y Clerc am enwebiadau ar gyfer swydd Cadeirydd yr Awdurdod ar gyfer blwyddyn ddinesig 2023/24.
- 2.2 Cynigodd y Cyng. Nigel Smith y Cyng. Dylan Rees ac eiliwyd gan y Cyng. John Brynmor Hughes.
- 2.3 Gan nad oedd unrhyw wrth-enwebiadau felly **PENDERFYNWYD bod y Cyng. Dylan Rees yn cael ei ethol yn Gadeirydd Awdurdod Tân ac Achub Gogledd Cymru am y flwyddyn ddinesig 2023/24.**

3 DATGANIADAU BUDDIANT

Nid oedd datganiadau o fuddiant i'w cofnodi.

4 PENODI DIRPRWY GADEIRYDD 2023/24

- 4.1 Aeth y Cadeirydd ymlaen i ofyn am enwebiadau ar gyfer swydd Dirprwy Gadeirydd yr Awdurdod ar gyfer blwyddyn ddinesig 2023/24.
- 4.2 Cynigiodd y Cyng. Tina Claydon y Cyng. Paul Cunningham ac eiliwyd gan y Cyng. Gareth Sandilands.
- 4.3 Gan nad oedd unrhyw wrth-enwebiadau **PENDERFYNWYD ethol y Cyng. Paul Cunningham i wasanaethu fel Dirprwy Gadeirydd Awdurdod Tân ac Achub Gogledd Cymru ar gyfer blwyddyn ddinesig 2023/24.**

5 PENODI CADEIRYDD A DIRPRWY GADEIRYDD Y PWYLLGOR ARCHWILIO 2023/24

- 5.1 Gofynnodd y Cadeirydd am enwebiadau ar gyfer swydd Cadeirydd y Pwyllgor Archwilio ar gyfer blwyddyn ddinesig 2023/24.
- 5.2 Cynigiodd y Cyng. Gwynfor Owen ailethol y Cyng. Nigel Smith fel Cadeirydd y Pwyllgor Archwilio ac eiliwyd hyn gan y Cyng. Austin Roberts.
- 5.3 Gofynnodd y Cadeirydd am enwebiadau ar gyfer swydd Dirprwy Gadeirydd y Pwyllgor Archwilio ar gyfer blwyddyn ddinesig 2023/24..
- 5.4 Cynigiodd y Cyng. Nigel Smith ailethol y Cyng. Mark Young fel Dirprwy Gadeirydd y Pwyllgor Archwilio ac eiliwyd hyn gan y Cyng. Chris Hughes.
- 5.5 Nid oedd unrhyw wrth-enwebiadau.
- 5.6 **PENDERFYNWYD:**
- i) Ethol y Cyng. Nigel Smith i wasanaethu fel Cadeirydd y Pwyllgor Archwilio ar gyfer blwyddyn ddinesig 2023/24; ac**
 - ii) Ethol y Cyng. Mark Young i wasanaethu fel Dirprwy Gadeirydd y Pwyllgor Archwilio ar gyfer blwyddyn ddinesig 2023/24.**

6 HYSBYSIAD O FATERION BRYD

- 6.1 Cadarnhawyd nad oedd unrhyw eitemau wedi'u cyflwyno i'r Clerc i'w hystyried.

7 COFNODION Y CYFARFOD A GYNHALIWYD 20 MEHEFIN 2023

- 7.1 Cyflwynwyd cofnodion Cyfarfod Blynnyddol Awdurdod Tân ac Achub Gogledd Cymru (yr Awdurdod) a gynhaliwyd ar 20 Mehefin 2022 i'w cymeradwyo.
- 7.2 **PENDERFYNWYD:**
- i) cymeradwyo bod y cofnodion yn gofnod gwir a chywir o'r cyfarfod a gynhaliwyd.**

8 MATERION YN CODI

- 8.1 Nid oedd unrhyw faterion yn codi o'r cofnodion a gyflwynwyd.

9 AELODAETH YR AWDURDOD TÂN AC ACHUB

- 9.1 Rhoddodd Gareth Owens, Clerc yr Awdurdod ddiweddariad llafar ar aelodaeth yr Awdurdod.
- 9.2 Nodwyd bod nifer o newidiadau wedi bod i aelodaeth yr Awdurdod dros y 12 mis diwethaf. Penodwyd Michelle Blakeley Walker i gynrychioli Cyngor Sir Ddinbych i gymryd lle'r Cynghorydd Brian Blakeley yn dilyn ei farwolaeth drist. Roedd y Cyng. Dyfed Jones yn cynrychioli Cyngor Sir Ynys Môn wedi cymryd lle'r Cyng. Ken Taylor yn dilyn ei ymddiswyddiad, ac ers hynny roedd yntau wedi ymddiswyddo a'r Cyng. John Ifan Jones wedi cymryd ei le. Nodwyd bod y Cyng. Neil Coverley o Gyngor Bwrdeistref Sirol Conwy hefyd wedi ymddiswyddo, ond nid oes olynnydd wedi'i apwyntio eto.
- 9.3 **PENDERFYNWYD**

i) Nodi cynnwys y diweddariad

10 PENODIADAU I BWYLLGORAU A CHYRFF ALLANOL

- 10.1 Cyflwynodd Gareth Owens, Clerc yr Awdurdod, y papur Penodiadau i Bwyllgorau a Chyrff Allanol a oedd yn gofyn i'r Aelodau nodi aelodaeth yr Awdurdod a'i bwyllgorau, sydd wedi newid ers y llynedd. Gofynnwyd hefyd i'r aelodau nodi'r penodiadau allanol megis Cymdeithas Llywodraeth Leol Cymru (CLILC) a'r Gymdeithas Llywodraeth Leol (LGA).
- 10.2 Nodwyd nad oedd pob Awdurdod Lleol wedi enwebu dau gynrychiolydd i eistedd ar y Panel Gweithredol hyd yn hyn.
- 10.3 **PENDERFYNWYD:**

i) Cymeradwyo aelodaeth a phenodiad i bwyllgorau a phenodiadau allanol.

11 DYDDIADAU CYFARFODYDD 2023/25

- 11.1 Cyflwynodd Gareth Owens, Clerc yr Awdurdod, y papur Dyddiadau Cyfarfodydd 2023/25 gyda'r nod o hysbysu'r Aelodau am ddyddiadau cyfarfodydd llawn yr Awdurdod Tân ac Achub, y Panel Gweithredol a'r Pwyllgor Archwilio ar gyfer 2023-25.
- 11.2 Nodwyd bod ychydig o newid wedi bod i amseriad y dyddiadau cyfarfodydd er mwyn cyd-fynd â therfynau amser eraill yn ymwneud â'r gyllideb, a rheolaeth strategol o Wasanaeth Tân ac Achub Gogledd Cymru (y Gwasanaeth).

11.3 PENDERFYNWYD

- i) **cytuno ar ddyddiadau cyfarfodydd yr Awdurdod Tân ac Achub, y Panel Gweithredol a'r Pwyllgor Archwilio; a**
- ii) **chytuno i'r cyfansoddiad gael ei ddiwygio i adlewyrchu'r ffaith bod angen cynnal y Cyfarfod Blynyddol ym mis Gorffennaf, nid mis Mehefin fel y nodir ar hyn o bryd.**

12 CYNLLUN TÂL AELODAU

12.1 Cyflwynodd Gareth Owens, Clerc yr Awdurdod, bapur Cynllun Tâl yr Aelodau gyda'r nod o roi gwybod i'r Aelodau am y cyfraddau presennol o gydnabyddiaeth ariannol i Aelodau, ac roedd yn cynnwys cais i gymeradwyo'n ffurfiol y rhestr o daliadau a wnaed yn ystod blwyddyn ariannol 2022/23.

12.2 Nodwyd bod adroddiad blynyddol y Panel Annibynnol ar Gydnabyddiaeth Ariannol (IRP) yn nodi newidiadau i gydnabyddiaeth ariannol yr Aelodau, ac roedd yr adroddiad yn cynnwys gwybodaeth am y newidiadau hynny a fyddai'n effeithio ar Aelodau awdurdodau tân ac achub.

12.3 PENDERFYNWYD

- i) **nodi penderfyniadau IPRW mewn perthynas â lwfansau a thâl yr Aelodau sy'n dod i rym o 1 Ebrill 2023;**
- ii) **rhoi awdurdod dirprwyedig i'r Clerc ddiweddarau atodlen tâl Aelodau yng nghyfansoddiad yr Awdurdod a gwneud unrhyw ddiwygiadau angenrheidiol i atodlen 2023/24 o bryd i'w gilydd yn ystod y flwyddyn ddinesig, er mwyn adlewyrchu unrhyw newidiadau yn aelodaeth yr Awdurdod, neu o ganlyniad i unrhyw adroddiadau atodol a gyhoeddwyd gan Banel Annibynnol Cymru ar Gydnabyddiaeth Ariannol; a**
- iii) **chymeradwyo'r atodlen o daliadau a wnaed yn ystod 2022/23 fel sy'n ofynnol gan IPRW**

13 MATERION BRYS

Nid oedd unrhyw faterion brys i'w hystyried.

Gan nad oedd unrhyw fusnes arall, daeth y cyfarfod i ben.

Daeth y cyfarfod i ben: 09:45